

欽定石渠寶笈三編

欽定石渠寶笈三編

養心殿藏 五

本朝臣工書畫

于敏中臨米芾書 一冊

于敏中臨米芾苕溪詩帖 一卷

觀保書王損之曙觀秋河賦 一卷

觀保書劉基龍虎臺賦 一卷

錢維城畫雲嵐煙塢 一卷

錢維城畫杉磴松橋

一卷

張若澄畫江山春曉

一卷

董誥畫萬春集慶

一冊

董誥畫瑤圃先春

一冊

董誥畫仁山靜壽

一冊

董誥畫德水長清

一冊

董誥畫壽春衍慶

一冊

董誥畫春臺康樂

一冊

董誥畫壽寓恬熙

一冊

戴衢亨畫小春熙景

一冊

戴衢亨畫山水

一卷

趙秉冲書

御製賦得友風子雨詩

一卷

趙秉冲書

御製蜀信詩

一卷

黃鉞書

御製得雨敬感詩 一卷

黃鉞書

御製大暑日感賦詩 一卷

黃鉞畫長城嶺春晴攬勝圖 一卷

馮寧畫

御製喜雪詩意 一卷

集錦書畫

董邦達錢維城仿元明人山水 四冊

趙秉冲書司空圖二十四詩品黃鉞畫圖

冊一

丁觀鵬等畫十二月

禁藥圖

十二軸

于敏中臨米芾書 一冊

本幅紙本摺裝十二幅縱橫皆二寸八分行  
楷書米芾西園雅集圖記續編款 臣于敏中  
敬臨鈐印二臣敏中敬書

鑑藏寶璽五璽寶笈三編

于敏中臨米芾苕溪詩帖 一卷

本幅宣紙本縱一尺五寸橫四尺九寸行書

臨米芾苕溪詩帖

持已載

純皇帝御臨

卷內高宗款臣

于敏中敬臨鈐印二臣敏中印報國文章

卷內鈐

高宗純皇帝寶璽乾隆御覽之寶

鑑藏寶璽

五璽全

寶笈三編



觀保書王損之曙觀秋河賦一卷

本幅紙本縱一尺五分橫四尺八寸五分行  
書。邈彼斜漢麗於中天遇良宵之已艾與清  
景而相鮮勢則昭回既闌干而遠映時方蕭  
瑟亦汎濫而高懸的爾過分淒然仰眺登奕  
奕之浮綵隱蒼蒼而引耀孤星迴泛狀清淺  
之沉珠殘月斜臨似滄浪之垂釣輕暉暮暮  
遠景蕭蕭色分隱映光凝沈寥疑瀑布而下

落似輕雲之欲銷。夜景將分清光。向曉紫碧  
落以迴薄。澹晴空而縹緲。躋攀不及。限一水  
以心遙。曠望空勞。邈九霄而思杳。發跡無際  
凌虛不傾。積曙色之牢落。涵爽氣之精英。疑  
曳練而勢遠。訝殘虹而體輕。遠想牽牛。漸失  
迢迢之狀。遙思弄杼。無聞軋軋之聲。景氣潛  
昭。氛埃遠屏。寧在地以為狀。信溘天而掛影。  
可以玩清光。狎餘景。分暉爽亮。向曉色而亭。

亭遠勢縱橫帶明星之耿耿偉茲垂象倬彼  
青霄映星躔之的的出雲路之昭昭想穿鑿  
之初悠然莫測稽源流之始邈矣方選則知  
匪自人工實由天設自虛無而想像界寥廓  
而昭晰意天邊之橫注遠若波瀾念空裏之  
潛流遙疑嗚咽宜其臨清泚挹澄澈倘天路  
之可升與清漪而比潔款唐王損之曙觀秋  
河賦臣觀保敬書鈐印二觀保

卷內鈐

高宗純皇帝寶璽乾隆御覽之寶

鑑藏寶璽

五璽寶笈三編

觀保書劉基龍虎臺賦 一卷

本幅紙本縱四尺九寸七分橫一尺五分行  
書猗歟太行之山呀雲豁霧結元氣而左蟠  
於赫龍虎之臺摩乾軋坤魁羣山而獨尊其  
背崔巍突律森岡巒而拱衛其勢則崑崙駁  
駁仰星辰之可捫白虎敦圉而踞峙蒼龍蜿  
蜒而屈盤狀昂首以奮角恍颺興而雲屯其  
北望則居庸叢嶂烟光翠結攢峯列戟斷崖

立鐵跋鳥飛而不度。古木膠以相掣。其下視  
則漲海沖瀾。飛波洗空。風帆浪舶。往來莫窮。  
想瀛洲之密邇。睇三山之可通。彼呼鷹戲馬。  
適足彰其陋。而眺蟾望鵠。曷足逞其雄。豈若  
茲臺之不事乎版築。而靡勞乎土功也。乃嶽  
峯礪礪。曷衍迤邐。形高勢平。背山面水。巨靈  
獻其幽祕。歸邪護其光晷。何嵩華之可吞。豈  
岱宗之足擬。此所以通光道於上都。揭神京

之外壘。匪松喬之敢登。羌乘輿之攸止也。至若四黃既駕。鹵簿既齊。方玉車之萬乘。蔚翠華之萋萋。載雲罕之九旂。光彩絢乎虹蜺。山祇執警以廣道。屏翳灑雨以清埃。朝發輶於清都。夕駐蹕於斯臺。明四目以遐覽。沛仁澤於九垓。眇軒轅之梁甫。脣神禹之會稽。洵千古之盛典。又何數乎方壺與蓬萊。慨愚生之多幸。際希世之聖明。雖未獲覩斯臺之壯觀。

敢不慕乎頌聲。遂作頌曰：傑彼神靈，在京之  
郊。金城內阻，雄關外包。上倚天倪，下鎮地軸。  
太行為臂，滄海為腹。崇臺峩峩，虎以踞之。羣  
山聳聳，龍以翼之。於鑠帝德，與臺無窮。於隆  
神臺，與天斯同。崇臺有偉，鸞駕爰止。天子萬  
年，以介遐祉。款明劉基龍虎臺賦。臣觀保敬  
書鈴印二觀保。

卷內鈴



高宗純皇帝寶璽乾隆御覽之寶

鑒藏寶璽

全五璽

寶笈三編

錢維城畫雲嵐煙塢一卷

本幅紙本縱五寸六分橫三尺九寸六分水  
墨畫自題雲嵐煙塢款臣錢維城恭畫鈐印  
二臣錢維城故事

卷內鈐

高宗純皇帝寶璽乾隆御覽之寶

鑒藏寶璽

五璽

寶笈三編

錢維城畫杉磴松橋一卷

本幅紙本縱五寸六分橫三尺九寸六分水  
墨畫自題杉磴松橋款臣錢維城恭繪鈐印  
一內廷供奉

卷內鈐

高宗純皇帝寶璽乾隆御覽之寶

鑒藏寶璽五璽寶笈三編

張若澄畫江山春晚一卷

本幅紙本。縱六寸橫三尺八寸九分。水墨畫。自題江山春晚款。臣張若澄敬寫鈐印二臣澄。

卷內鈐

高宗純皇帝寶璽乾隆御覽之寶

鑒藏寶璽五璽寶笈三編

董誥畫萬春集慶 一冊

本幅紙本。摺裝十幅。皆縱七寸一分。橫八寸一分。設色畫山水。各有隸書標題。一萬戶春聲。二萬綠春塘。三萬家春雨。四萬畝春耕。五萬壑春雲。六萬派春濤。七萬竿春玉。八萬屯春牧。九萬井春熙。十萬峯春靄。款臣董誥恭畫。鈐印二。臣誥。

御筆分題楷書

九衢吉爆暢春聲。宣豫杼和庶彙萌。奮發青陽  
生百穀。東郊積潤恰宜耕。柳漸抽條草覆堤。  
平原萬頃綠初齊。陂塘春水源頭活。曲折分滋  
遠近畦。春愁雨少夏愁多。願叶農時助麥禾。  
村舍陰濃全幕慮。一犁甘澤洽坡陀。農功終  
歲始於春。東作初開脈土新。吠畝辛勤事畚鍤。  
恰連宿潤淨浮塵。從龍翔鳳結綢緼。洞口英  
英吐白雲。出岫無心羣待族。筆端造化幻繽紛。

新水淪漣滿四澤。桃花初漲漾銀濤。挂帆擬  
欲遊天上。一覽尖山峯最高。淨植猗猗幾萬  
竿。調融粉墨寫檀栾。描摹遠勝蕭郎法。自有胸  
中千畝寬。溪清草茂展春原。一帶平岡遊牧  
蕃。關外名王資養息。如龍良驥錦雲屯。和藹  
年光敷帝京。象緯熙皞望昇平。寸衷亟願頑民  
格。共慶登咸泰宇清。春藹披敷色淺深。萬峯  
層疊出嶽臺。晴咨良弼作霖雨。慰我孜孜求治

心壬戌新正六日御遊鈐寶二會心不遠德充  
符

鑿藏齊璽五寶寶復三編嘉慶御覽之寶養心殿  
寶



董誥畫瑤圖先春 一冊

本幅紙本摺裝十二幅皆縱六寸七分橫一尺三寸五分設色畫一紅梅花二月映梅花三綠萼梅天竹四黃梅綠竹五梅花月季六臨水梅花點靨七梅花蠟梅山茶八紅綠梅花芝草九紅梅梔子花十古梅十一紅白梅花雙鈎竹葉十二紅梅水仙款 臣董誥恭畫  
鈐印二臣誥

御題楷書

繁英的爍占春先  
淡白深紅着色鮮  
上苑韶華推領袖  
畫圖省識暗香傳  
月白林疎素影籠  
翩翩玉蝶冷香融  
自甘淡泊存高致  
獨抱貞心一點紅  
尋芳初識九疑仙  
翠袖輕垂綠萼牽  
卉譜翻新伴天竹  
離離朱實綴勻圓  
細纈微含千葉香  
芳苞全展逗輕黃  
一枝斜倚檀欒竹  
勁節冰心結習忘  
素英紫蒂妙裁剪  
雅伴清

粧月月紅長養春園資發育漫探花信幾番風  
姑射精神冰雪心低翻淺浪映溪海瓊姿只  
合清波蘸淡雅全無俗韻侵一花三寶關清  
妍瑪瑙盤擎碧葉鮮別有黃香釀崖蜜羣芳會  
萃態便娟石生千載夜光芝恰結同心着色  
奇翠萼紅粧相掩映春壘仁壽應昌期粉針  
攢簇紫羅囊春滿南枝蘊惜香瓊榭曼陀舒皓  
質離奇璀璨寶華揚花繁蒂紫暢紛敷霜蕊

翩翻皓玉壺鐵石心腸冰雪節萬葩金谷品全  
味竹外一枝花更麗快來東閣月昏黃瑤池  
仙侶聯雙豔朱萼銀葩炫夜光崖邊溪角態  
橫斜仙子臨波簇錦霞檢點春光羅畫冊調羹  
妙手筆生花甲子新正御題分鈐寶幾暇怡情  
一重得佳趣一重鼓雲會心不遠二重德充符二重嘉慶  
御筆中和契妙嘉慶漱潤比德朗潤

鑒藏寶璽

全五璽

寶笈三編  
對時育萬物

董誥畫仁山靜壽 一冊

本幅紙本摺裝十幅皆縱三寸七分橫八寸  
六分設色畫各有楷書標題一崑崙縣圖二  
岱宗日觀三嵩高二室四太華蓮峯五宛委  
神書六劍門雲棧七匡廬五老八天台石梁  
九靈巖香雪十峨嵋積素款 臣董誥恭畫鈐  
印二臣誥

御題楷書

神山隔滄海，渺漠望崑崙。  
崑崙接九天，表勢連八極。  
根增城，裊烟霧，懸圓繞潺湲。  
想像萬仙會，閭風遠世喧。  
東岱鍾靈秀，高峯日觀超。  
赤輪騰渤海，羲馭上層霄。  
彩煥九州界，光翻萬疊潮。  
蕩遊曾兩度，心印畫中標。  
填星主中嶽，巍峙仰嵩高。  
雲繞千里翠，松翻萬壑濤。  
羣峯青錯落，二室碧周遭。  
凌霄漢，嵐光現彩毫。  
太華碧摩天，凌虛玉井蓮。  
五千峯似削，十丈藕如船。  
紅

接雲霞影青舍松竹烟巨靈分峻極鷄首蘊星  
躔宛委東南勝名山近會稽干雲御灑氣凌  
霧陟仙梯金簡神書貯赤珪大禹躋平成永利  
賴疏導得端倪奇險甲天下相傳蜀道難劍  
門高百仞雲棧疊千盤峯接九霄碧林翻萬葉  
丹堪嗤名利客自棄坦途寬紫霄標峻極奇  
秀說匡廬五老凌銀漢三宮峙絳都蓮花擎佛  
手玉瀑澗香爐勝槩披圖得神遊徧真區上

界花宮迴四明仙境賒梁飛玉川瀑標建赤城  
霞劍石嵐光聳松崖澗影遮幽棲契真宰雲水  
渺無涯春光敷鄧尉遍拓萬株梅香暗籠瓊  
蕊雪深潤粉埃含英眩銀海舒豔燦瑤臺波影  
連山影尋芳小艇來凝陰籠蜀嶺大雪積峨  
嶻萬壑鋪銀屑千林綴玉糝坡陀隱凹凸枝幹  
任紛披三白徵佳兆呈祥粉本施丁卯十月中  
澣御筆分鈐寶比德五種朗潤五種會心不遠德充



符古香

二重

太璞

二重

鑒藏寶璽

全五

璽

寶笈

三編

編

董誥畫德水長清一冊

本幅紙本。摺裝十幅。皆縱三寸七分。橫八寸六分。設色畫。各有楷書標題。一。渤澥朝宗。二。茗雪農桑。三。淀津集網。四。西湖春泛。五。洪河利漕。六。瀟湘夜雨。七。巫峽輕舟。八。揚子銀濤。九。洞庭秋月。十。笠澤霜林。款。臣董誥恭畫。鈐印二。臣誥。

御題楷書

大海環天地歸墟衆水從河淮皆順軌江漢盡  
朝宗一勺遙源細三山遠黛濃層樓登兩度思  
入舊遊蹤雙溪佳勝擅春景紀餘杭農事方  
耘稻婦功近採桑卷崖雲影潤夾岸菜花香力  
作無休息三時候正長畿甸衆流匯汪洋集  
淀津泛舟浮片葉舉網起潛鱗謀食無非事求  
魚鮮矣仁欲探真實景龍舸暢行春昔在畫  
中遊今從畫裏求六橋連古寺十景繞芳洲高

把雙峯秀竒探三竺幽詩囊曾紀勝繪冊漫勾  
留轉漕達天庾正供國計充洪湖長蕩滌河  
水自疏通恬浪欣連泐張帆喜趁風披圍心遠  
會清口集征蓬滿湘極天末秋夜雨方深颯  
奮鳴高柳迷濛暗遠岑繁聲籠野泊清響答宵  
砧容睡知難穩打蓬蕩旅心巴峽連巫峽驚  
湍往復回目迷楓樹燦背指菊花開崖若鉅鋒  
削身如急箭催風波何太險倏度碧峯隈源

導岷山遠波寬揚子江銀濤翻巨浸雪浪捲驚  
瀧吳楚派同一金焦島峙雙蕩遊廿三載心印  
寺樓窗 八月湖波浩蟾光耀夜明冰剡脩皎  
潔桂魄漾晶瑩上下輝相印雲霄彩遍盈圓靈  
浴錦浪天水普澄清 木葉經霜染輝生笠澤  
秋端爛敷岸角璀璨結枝頭艷勝春花麗九車  
遠岫浮遍探溪壑美詩畫作清遊丁卯十月中  
浣御題分鈴寶幾暇怡情得佳趣古香一重太璞

一重比德  
三重朗潤  
三重會心  
不遠  
一重德充符

鑒藏寶璽  
五用寶笈三編

董誥畫壽春衍慶 一冊

一本幅紙本摺裝十二幅皆縱三寸八分橫七寸六分設色畫各有楷書標題一仙壽迎春二松壽延春三佛壽增春四三壽偕春五樂壽嬉春六靈壽尋春七筠壽恒春八鶴壽同春九芝壽長春十益壽熙春十一介壽宜春十二梅壽先春款 臣董誥恭畫鈐印二臣誥

御筆分題楷書

初旭曠曠瑞靄暄  
花開灼灼錦霞繁  
千春結實迎仙壽  
放棹武陵溯本源  
喬松百尺歲長青  
貞固壽延億萬齡  
木德清堅昭不朽  
春陽幹運息無停  
石洞金仙無量壽  
法身常住萬年春  
不增不減菩提性  
山體如如太古塵  
三老論心喜作朋  
壽徵悠久比岡陵  
飲和食德忘年紀  
仁壽春臺結伴登  
壽宇宏開樂皞熙  
春敷芳豎景和怡  
兒童擊鼓歌豐稔  
不識不知聞笑嬉



老叟攜筇步綠堤春光和煦遍巖溪緩持靈  
壽尋佳勝恰喜新膏潤一犁萬个琅玕蔭水  
亭浮筠不改四時青貞堅常茂恒春圃勁節梢  
雲益壽齡閩苑瑤臺別有天九皋羣鶴舞翩  
跹同春增壽依珠樹雲路翱翔迎列仙採芝  
間步碧崖陽結霧凝霞燦九光服食仙英能益  
壽長春茂育永含芳菊放東籬近水濱揚芬  
候應小陽春素心相伴尋芳去採掇落英延壽

辰 納稼登場田事畢茅簷歡聚賀昇平造成  
春酒介眉壽歲歲躋堂稱兕觥 春到南枝芳  
信來瑤葩琪萼喜全開非同冰雪爭清潔壽比  
喬松渥澤培庚午十月御題分鈐寶會心不遠  
德充符古香五重太璞五重比德三重朗潤二重幾暇怡  
情得佳趣

鑒藏寶璽五重寶笈三編嘉慶御覽之寶惟幾惟  
康

董誥畫春臺康樂 一冊

本幅紙本摺裝八幅皆縱五寸二分橫七寸  
六分設色畫各有楷書標題一鳳城燈市二  
花塢停棹三松閣吟泉四經帷絃誦五通津  
估舶六官郵送喜七甫田納稼八探梅覓句  
款臣董誥恭畫鈐印二臣誥

御筆分題楷書

民安物阜慶昇平燈火元宵不夜城百七十年

宣德化開韶行樂洽輿情  
蒼崖夾澗水潺湲  
兩岸緋英萬樹繁芳渚停橈坐  
圖畫問津已近  
武陵源  
喬柯百尺張蒼蓋飛瀑千尋挂碧岑  
松籟泉聲空外響詩人倚閣和清音  
春誦夏  
絃戴記傳臨溪虛閣倚漪連  
舞雩雅興欣連席  
琴韻書聲靜趣延  
津門北上接通州估舶屯  
檣泊水郵帝里萬家生計重  
工商泉幣溢周流  
置堠連村通驛傳  
莎堤飛騎捲浮埃  
河安人

靖咸循軌徧得甘膏送喜來 春種夏耘秋納  
稼三時胼胝力誠殫應知顆粒皆辛苦在上位  
人勿素餐 琪葩瑤蕊滿巖阿仄徑斜通拂玉  
柯冒雪衝寒覓佳句板橋驢背得來多甲戌孟  
冬御題分鈐寶會心不遠二重德充符二重澄觀二重  
嘉慶御筆嘉慶

鑑藏寶璽

五璽

寶笈三編嘉慶御覽之寶執兩用

中

董誥畫壽寓恬熙 一冊

本幅紙本。摺裝八幅，皆縱五寸二分，橫七寸六分。設色畫，各有楷書標題。一春原牧笛，二流觴修禊，三山樓聽雨，四竹磻歸樵，五桐陰玩月，六蓼汀漁唱，七東籬采菊，八豐鄉報賽。款：臣董誥恭畫，鈐印二。臣誥。

御筆分題楷書

麥隴青青二月中，烏犍散牧碧莎融。村童策犢

多閒暇長笛一聲楊柳風 名士風流晉永和  
暮春修契坐平坡浮觴曲水皆陳跡石刻蘭亭  
永不磨 雲暗林巒雨欲來山樓坐聽勢喧飈  
千溪萬壑聲相接遠蔭甫田渥澤培 萬个篔  
簹遍翠微密籠村墅隱斜暉晚烟漠漠連溪壩  
樵子平橋荷擔歸 秋宵清景滿原坳嘉蔭高  
梧百尺青指顧水輪昇玉宇山河大地印圓靈  
隔汀紅蓼拂波長崖靜溪清夜氣涼漁父橫

舟相倡和坐忘身在水雲鄉  
黃華炫艷統東

籬采摘移栽瓦缶宜靜領幽芬茅屋下悠然翠

嶂遠林披 豐年報賽慶西成千萬倉箱百室

盈歲稔人和風俗正歡聯童叟樂承平甲戌孟

冬御題分鈐寶會心不遠三重德充符三重激觀激

潤一重嘉慶御筆

鑑藏寶璽五璽寶笈三編嘉慶御覽之寶執兩用

中



戴衢亨畫小春熙景一冊

本幅紙本。摺裝十六幅。皆縱六寸一分。橫一尺一寸七分。設色畫小春時田家報賽餽遺各景物。各有隸書標題。下楷書注畫意。所本

一。春酒介眉。

本幽風月詩意。

十二。香茅治屋。

本幽風詩注。

月定星將中急治屋室。

三。液雨新寒。

本陳元觀歲時廣記。立冬後至小雪。

得雨謂之夜雨。主來年豐稔。

四。東風小雪。

本王象晉羣芳譜。十月初值小。

雪有東風主來春米賤。

五。種壚欣會。

本陶穀清異錄。十月旦命酒為種壚。

會六。蒸裏歡陳

本宗棟荆楚歲時記峽人於十月朔多以蒸裏為節物

七里社報神

本王象晉羣芳譜十月農功八里社置酒食以報田神

村童就塾

本陸游詩自注農家十月乃遣子入學

九。霜柑擘玉

本杜甫孟冬詩破柑霜落

十。絳稻翻雲

本元稹詩年十月暮絳稻欲

新垂十一。菊英耐久

本真山民初冬詩既老菊花偏耐久 十二。荆

樹先春

本元稹詩庭中裁得紅 十三。紅葉青

山

本杜牧詩初冬景物未 十四。荻花煙水

本蕭條紅葉青山色尚 十五。高峯歸雁

本宋長文詩柳家汀洲孟冬月雲寒水清荻花發

詩陽月南飛雁  
傳聞自此回

十六層嶺舒梅

本樊晃詩十  
月先開嶺上

梅款臣戴衢亨恭畫鈐印二臣戴衢亨恭畫

御筆分題楷書

九月築場畢小春穡事成嘉禾田畔積新釀甕  
頭盈欣獲登倉寶先稱介壽觥豐年誠上瑞喜  
氣洽羣生  驗候星中屆清風已戒寒索綯功  
正始納稼力云殫疎葉綴林角香茅乘屋端民  
勞無暇豫題繪念艱難  元冥司玉律液雨布

空徐幕。歷織林暗。霏微映渚。虛雲扶繞。籬鶴人  
伴滿床書。農諺欣符合。來年倉廩餘。寒空釀  
微雪。飄灑結同雲。粉屑迷林影。瑤華印水紋。隨  
風互蕩漾。紫霧舞繽紛。集霰兆三白。嘉徵比屋  
欣。冬朔欣團坐。初寒共擁爐。忘年皆皓首。論  
道盡名儒。翠接松千尺。清談酒一壺。何來不速  
客。策杖過牆隅。舊俗傳荆楚。月初節物陳。田  
收積場圃。蒸裹餽街鄰。萬井環城角。千帆集水

濱歲登咸富庶歡洽小陽春  
  藝香報田祖掃地古風存  
  壠畔綠田獲巖端紅葉繁  
  盈倉徧禾黍留客足雞豚  
  跪拜黃衣叟迎鑿昔沐恩  
  納稼農功畢時臨冬讀書  
  焚膏勤五夜稽古樂三餘  
  幼習縹緗蘊長期廊廟舒  
  茅簷毓英俊版築大賢居  
  繡壁排層疊倚巖結小庵  
  迎眸燦紅葉繞指擘黃柑  
  佳實霜花點清香玉瓣含  
  菊英同益壽相約飲寒潭  
  如雲新福美絳穎漾千

畦映水清波印翻風細影低牽牛放平坂驅鴨  
度迴溪樂歲收多稼禦冬歡衆黎庶卉經秋  
飲菊開能耐冬風搖香愈細霜染態尤濃晚節  
山中隱清標籬畔逢臨溪對壽友甘谷寄仙蹤  
小陽寒尚淺向暖發紅荊獨絢冬霄麗先欣  
春信迎松雲迭掩映楓錦互晶瑩未遇羅浮使  
相逢待月明初冬布暖律景色益編爛紅艷  
千株樹青浮萬疊山竒峯標巖飛瀑瀉潺湲

遠碧滴空外。披圖若可攀。遠水連天白。清舍  
烟景迤。雲橫嵐疊疊。風送影蕭蕭。荻岸青無際。  
花汀碧倍饒。楓楸相映帶。寒浦泛輕舫。旅雁  
知時節。南歸應小陽。飛鳴度關塞。指點近衡湘。  
峯峻雲千疊。天高字幾行。漸遠待春信。霞表羽  
儀彰。瘦嶺梅先綻。敷華十月初。繁英燦霞結。  
密蕊帶烟舒。邃谷含英始。陽坡拓萼徐。攜琴尋  
冷艷。水閣印香虛。戊辰孟冬御題。分鈐寶會心。

不遠五重德充符五重幾暇怡情四重得佳趣四重叢雲

漱潤一重激觀嘉慶

鑿藏寶璽五重寶笈三編



戴衢亨畫山水一卷

本幅紙本縱二寸四分橫一尺九寸八分設  
色畫林嵐疊秀瀑布飛流水閣山邨蒼翠掩  
映款臣戴衢亨恭畫鈐印二臣衢亨

引首

御書目寓遊觀鈐寶一嘉慶御筆之寶

鑑藏寶璽五璽寶笈三編

趙秉冲書

御製賦得友風子雨詩一卷

〔本幅蠟花殘本縱七寸七分橫二尺一分楷書〕

御製賦得友風子雨得興字八韻

網緼雲結族醞釀渥膏蒸降雨宜多子從風若  
得朋扶持鋪倍厚長養候堪憑生化積由感紛  
敷散又凝吹噓力常助發育澤同承受益層霄

布含滋下尺增星能隨好尚農可驗休徵調燮  
太和氣實繁苗淳興嘉慶庚申仲夏御製

後幅臣工恭和

廣大神游宇雲峯膚寸蒸好風方繼序今雨  
比來朋噓拂八方協孽涵一氣憑淡交萍乍  
合厚澤桂常凝習習聲相應繩繩慶篤承結  
言蘭蕙汎孕實玉珠增穆若友于契油然子  
養徵扇淳造洗甲

化洽頌歌興臣董誥恭和鈴印二臣誥敬書雲

本山川出生由廣大蒸雨占再索子風助盍  
簪朋呼伯聲相應虛俛氣自憑密交仍渙泮  
踈蔭不屯凝習習同心賦綿綿善澤承夏薰  
奇共賞秋滄獲彌增歌縵臣民喜書祥箕畢  
徵

軒師方奏愷時若協龍興臣朱珪恭和鈴印二臣  
珪 惟天羣物祖一氣大雲蒸雨迺衆人母

風為君子朋。稱師裡典貴。待族吉占憑。月姊  
日兄隱。士公丁婦凝。澤仍孫克行。山出父能  
承。好有星民切。怒母箕伯增。賊驚吹。揮散暖  
喜望苗徵。

睿賦色乾象。蘭陵格叔興。臣彭元瑞恭。和鈐印二  
臣彭元瑞。風雨和甘驗。膚雲觸石蒸。神功  
原不測。妙喻迴無朋。噓拂重霄應。滋生一氣  
憑。尋蹤蘋末合。鍊液草心凝。將伯箕星協。宜

男坎水承扶搖情莫逆任養澤方增汗漫羣  
仙友。縣延百子徵。

昌期符慶裔。嘉瑞蔚然興。臣戴衢亨恭和鈐印二。

臣戴衢亨。黻黻層霄起。氤氳大化蒸。為霖

符育子。噫氣助來朋。將伯箕先應。鳴陰鶴有  
憑。神交舒卷共。華息感孚凝。于唱賡卿和。施  
甘蔭穀承他山。瞻影合靈派。溯源增道與。函  
三叶。功原得一徵。清寧。

調幕契風雨協雲興 臣趙秉冲恭和奉  
勅敬書鈐印二 臣趙秉冲筆沾恩雨

引首

雲章賡載

鑒藏寶璽

全五璽

寶笈三編

趙秉冲書

御製蜀信詩一卷

〔本幅蠟金殘本縱一尺一寸二分橫二尺八寸五分楷書〕

御製詩

蜀信 蜀信連番皆剿賊龍安鄰水剪羣邪

保奏藍白黃三號賊匪由龍安翻越紫竹埡口  
被我兵截為兩段殲斃三四百名活擒一百四  
十三名劉獲首級內認出襄陽賊目李掌櫃張  
進才二名拔出難民八百七十五名口賊由讓



水河范家壩奔逸該處距甘省之文縣不遠已  
飛札知會廣厚兩面夾擊以期一鼓殲除又據  
德楞泰奏督兵追剿藍號賊匪由鄰水冒雨進  
發至七孔溪山梁從上壓下斃賊數百名棄械  
找出者三百二十六名生擒一千一百七十餘  
名口訊出戕害大竹縣知縣之偽軍師何上達  
凌遲致祭以慰忠魂分遣被擄男婦一千三十  
七名口各使歸業現在先將江岸廓清餘股不  
難掃聞風逃遁誠堪恨冒雨攻圍實可嘉懼劫  
蕩矣

總由予德薄除災敬籲

昊恩加五年無一日寧靜東望

裕陵增痛嗟

我天攀號不及苦心辦賊以酬

棄兒

厚

恩各路雖有俘獲終未能淨根株愧為天下之主。日視百姓流離顛沛死之困苦莫能救擄。上無以報。考思下何顏對臣庶。豈非天地間一罪人乎。誓欲竭盡心血。必欲平定三省之邪。衆為五年以來陣亡之官軍鄉勇。伸此憤斷不中道而立書此數言誌吾沉痛。完嘉慶庚申五月朔日御製。

後幅臣工恭和

蜀水東西連再捷。王師以正定祛邪。

孝孚

太上垂

神祐

敬感

皇天錫惠嘉餘孽剋期應剿盡雄威乘勝倍贏加漢  
中堵禦今尤要早遣哀鴻息怨嗟臣永璇恭  
和鈐印二臣永璇 禁暴寧同勤遠畧清源  
只在做官邪佑從

天上歌維顯

錫向師中筮有嘉賊黨漸因離穴濟民供不為饋

糧加

一心繼述

神其鑒。百姓艱虞。

聖所嗟。臣永璇恭和鈐印。二臣永瑄。

聖繼

聖威除衆孽。如

天霆震。盡驅邪。特攻險隘。謀先定。不避陰霾。勇倍嘉。

將共一心。兵力壯。網開三面。

帝恩加佇看指日平全蜀比戶方能慰嘆嗟臣永  
璘恭和鈐印二臣奉璘川中一鼓殲餘孽  
更示

恩威判正邪旋遇洗兵

天澤溥欣來捷奏

聖心嘉早知騰飽人爭奮稍有勲勞  
賞必加從此好歌安堵樂

深宮午夜慰咨嗟臣綿恩恭和鈐印二臣綿恩

伏莽餘氛煩

睿算旰宵累載切平邪川東捷踵川西告闔外  
恩承閭內嘉伸憤普酬三省望

運謨應繼

十全加即聽陝楚歌傳凱詎祗人無蜀道嗟臣慶桂  
恭和鈐印二臣慶桂捷書疊奏川西北扼  
險攻心正克邪從此遺萌歸刈滌恰逢洗甲  
兆麻嘉

天慈鑒格原無與

聖孝繩承曷以加獨是

旰宵籌勝策謀慙肉食每私嗟臣董誥恭和鈐印

二臣董誥井絡東西師出律鬼方捷伐震

摧邪三驅禽失前無慮貳負鯢封獲有嘉至

日升馨

誠禱捷連宵降雨渥優加洗兵如

願臺蓑舞借箸何須杼柚嗟臣朱珪恭和鈐印二

臣珪 星弧威播蠶叢路

聖主當陽息衆邪。取次鯨鯢歸翦戮。頓番貌虎荷  
褒嘉。臣襄機務慚無補。

帝軫戎行賚有加。欣悉

楓宸宣捷後。適同時雨慰

咨嗟。臣傅森恭和鈐印。二臣傅森

陟配

方丘上儀舉祭而



受福正祛邪。周陔犄角連甘蜀。結網枯鱗涸梓嘉。  
即川西芽蘖淨。並轟陝右電雷加。雨中聞  
奏雨中捷。洗甲扶犁樂不嗟。臣彭元瑞恭和  
鈴印二臣元瑞。蜀險頻摧騰捷奏。賊氛迅  
掃懾竒邪。師如時雨符。

天祐喜送連朝荷

帝嘉

配祀黃琮

誠有格銷兵赤甲

澤優加即看荆楚同秦隴比戶新禽保介嗟臣戴

衡亨恭和鈴印二臣衡亨馳來捷奏川西

北師武分投各盪邪江岸番邊同致果秦疆

楚境兆亨嘉

旰宵籌筆幾先燭

愷摯深仁澤屢加不盡

孝思勤繼

志又安薄海泯咨嗟臣趙秉冲恭和奉

勅敬書鈐印二臣秉冲

引首

御書捷凱攄座鈐寶一嘉慶御筆

鑒藏寶璽全五璽寶笈三編養心殿寶所其無逸

黃鉞書

御製得雨敬感詩一卷

〔本幅蠟金箋本縱一尺一寸三分橫二尺八寸七分楷書〕

御製得雨敬感

見恭載

靜怡軒藏御筆

嘉慶庚申五月二日御製

後幅臣工恭和

省歲畿封切瞻雲嶽望連庶徵時曰雨六事早祈

天霄禱清和首

心關高下田施仁造解作勅罰慎衡權五宅寬流  
宵三征緩調繇蒙茸憐葛節尋約釋纍牽蠱  
子身無禁狂夫罪可蠲閔囚

清問遠閔肱降膏先

右社求因報停輿步更虔畢又從月好算鼓訟風憇  
午朔日方至壬占霞簇巔禮

郊壇裸玉

配帝鼎升煙。佑顯長消劫。通微久伏甄。龍嘘騰暴戾。  
雲涌達淵泉。潤瓦方滂霤。津莖已緝阡。徹宵  
真沛若。竟晝尚油然。即此誠呼吸。應知妙幹  
旋虞階。欣格

聖

軒馭愴攀仙。翠粒依旬沃。紅旗掣景傳。賡颺看獻愷。  
銜壤慶摩肩。臣朱珪恭和。鈐印二臣珪。  
敬孚心所召。

德合氣相連

駿烈宜親

地鴻儀視

配

天雨為

王者澤情迺

聖人田是日奠方朔占時炭可權奮雷爻筮豫豕

土雅歌綿蔭穀方琮獻狸牲黃犢牽

雍宮齋戒宿

祇室豆籩蠲

位繼

五朝列門迎九擗先三終勤致禱八奏伏攄虔

默籲

神邀旣

廣生民滌愆剛回望燎所已靜相風巔福酒蒸成霽  
升香聚作煙雷垂新甃瓦履濕昨鋪甑入夜



同聽漏通霄尚涌泉勃興渠被隴補種菽盈  
阡。

誠以前知必操如左券然

瀛宮

親祇肅

社壇

步迴旋裡展

三壇禮慈求

萬善仙鷓飢官糶飽雞吐赦音傳。

蒼昊憑呼吸殲邪纏係肩。臣彭元瑞恭和鈴印二臣。

瑞 下尺甘霖霈為時十二連。

至誠孚在

聖

鴻貺錫由

天送喜同三捷占豐普大田。雲根傾水斛月額運靈。

權默禱

宸襟密

疇咨愷澤綿

湛恩施已遍肆省貫相牽昨舉

方壇祀惟欽

孝享蠲

精誠方致恪協應不違先鉅典隆

升配前期特

告虔羣神通有感八變格無愆盼蠻來墮墮輪困

起岫巔。昭蘇增綉景。醞釀和霏煙。螭蹟紫銀  
篆。苔痕襯碧甌。

螭坳飛玉溜。鴛瓦響琴泉。深透霑膏壤。蔥龍遍  
遠阡。神功昭肅若。

睿念益夔然。澤解欣符望。師貞佇吉旋。洗兵歸策  
將。偃伯頌詩仙。

籌筆金壺潤。

吟牋珠韻傳。

萬幾心有密。

昊眷敬勤肩。臣趙秉冲恭和鈐印二臣冲。

渥惠便蕃錫甘霖。晚夜連精誠通以。

聖。

至德動惟。

天稼穡斯為寶。人情即是田。休徵山澤氣。時握雨暘。

權巖霧層層。穀峰雲處處。綿晚禾分畛。布黃。

犢帶犁牽。頓覺膏腴遍。全令暘熱蠲。者番真。

沃足此理本勞先

宵旰誠求久馨香

步禱虔省刑開曠蕩解網釋尤愆感洽交南郡歡  
融雪嶺巔秦兵應洗甲蜀戍佇銷煙勇勵勲  
銘鼎忠旌矢貫軌相看持虎節長此脫龍泉  
戰士歸新伍征夫服舊阡東山何樂只南畝

正油然

睿藻千言富鴻鈞大氣旋珠璣承

灑翰鸞鳳欲凌仙滂沛

恩同溥流行驛共傳

愛民如愛穀夙夜

一心肩臣黃鉞恭和奉

勅敬書鈐印二臣鉞

引首

御書時甘慰望鈐寶一嘉慶御筆

鑒藏寶璽五璽寶笈三編養心殿寶所其無逸

黃鉞書

御製大暑日感賦詩一卷

〔本幅描金蠟牋本縱七寸七分橫一尺八寸二分楷書〕

御製詩

大暑日賦 兩經大暑居宮禁氣候清涼感  
實深守寸心得其所暫時煩熱豈能侵

音容遠隔山莊夢



優恤頻通

佛殿歆不忍迴思昔年事悲懷夏清淚霑襟庚申六月  
月上濟御製

後幅臣工恭和

節逢大暑暑逢雨

聖孝昭孚

默佑深悽愴實同霜露降

永言無邨歲時侵洗兵佳兆還期

既屢稔升香定見

歆三載

哀衷如一日未緣納爽暢

宸襟臣永璇恭和鈐印二臣璇

思慕永追

稜殿遠

勤勞獨運

法宮深壹違苑囿游觀請

再閱朱明潤溥侵壁挂

遺詩

心對越館呈

寶錄日居敬由來

保相符昭假定卜佳音慰

睿襟臣永理恭和鈐印二臣理風薰已覺思艱

切日永尤徵

孝慕深撫序懷新宜茂對荷

慈憶昔轉煩侵咸和同感春秋露解作常思

陟降歆

默佑洗兵敷大澤稍紓

宵旰愜

宸襟臣永璘恭和鈐印二臣璘不徒

怵惕逢春露當暑猶增

愛日深轉瞬久違

溫清適感

懷自忘鬱蒸侵也知星物遷移速更慕

山陵眷佑歆園暫弗居昭

大孝寧思游騁暢

堯襟臣綿恩恭和鈴印二臣綿恩曦赫再臨初

伏節

擣吟朶殿愴彌深

孝思昭格

天維顯溥候咸宜暑不侵蘭塞延薰

追養

志豆登肇祀感

居歆時霖洗甲還占稔詎止涼生愜

素襟臣董誥恭和鈐印二臣誥解暑最宜凍雨  
數生涼更覺

肯堂深恍瞻

棟蔭煩歆釋翻感陔華潤溥侵

躬佑清明三伏始

心祈綏屢百神歆先憂後樂長年事不御薰徽但  
濕襟臣朱珪恭和鈐印二臣珪 雨行土溥  
臨中候風自南來

殿角深適體清涼

慈所佑

林心霜露暑無侵月先北至

方丘配時佇秋嘗

世室歆節屋塵懷仄壇運

舜襟猶是昔

堯襟臣彭元瑞恭和鈐印二臣元瑞 節紀恢矣締

萬再

宮庭孺慕與年深

孝思默荷

仁慈佑煥序曾無暘暑侵時雨洗兵占月捷嘉禾兆

稔祝香散勉賡殿閣薰風詠不為招涼愜

舜襟臣戴衢亨恭和鈐印二臣衢亨 溽氣初蒸



旋即解

在天默佑

孝思深時甘雨作歌先滌長養風疏暑不侵

撫序循環增慕遠

紹庭

陟降感靈歆徵惟煥若欽

調幕綏屢歌桓慰

素襟臣趙秉冲恭和鈐印二臣趙秉冲印

撫時大暑。今晨。屆應候。溫風半月深。

松棟高涼。雲布漫。

莫階清潤。雨微侵。三農擘飲。年書有。

一德馨香。

帝久歆。

仁孝感乎歌。解臯南薰。奚啻寫。

天襟。臣黃鉞恭和奉。

勅敬書。鈐印二臣鉞。

引首

慕深日永

鑒藏寶璽

五璽寶笈三編

黃鉞畫長城嶺春晴攬勝圖 一卷

本幅紙本縱一尺橫五尺六寸設色畫山嶺  
蜿蜒崇椒間微露城堞琳宮梵宇高下映帶  
迤西石壁有三箭山三字磨崖款嘉慶辛未  
閏春初吉 臣黃鉞奉

勅恭畫鈐印二臣黃鉞

御題楷書

大嶺凌春宇凝眸暢晚晴雲容籠遠迥嵐黛襯

晶瑩古寺紅連堞喬松翠繞城詞臣杼藻思畫  
法印詩情辛未閏三月御題鈐寶二嘉慶

引首

鷲嶺敷春款臣董誥奉

勅敬書鈐印二臣誥敬書

鑒藏寶璽五璽寶笈三編斂福宜民執兩用中

馮寧畫

御製喜雪詩意一卷

〔本幅〕紙本縱七寸橫三尺四寸設色畫琳宮  
瑤砌時玉敷祥款臣馮寧恭畫鈐印二臣寧  
御題楷書

渴望三冬慰一朝欣看竟日復連宵

躍龍禮

佛蒙

慈蔭舞鳳凝雲綴玉條。應節恰占霏五出。洗兵還願  
沃羣妖。年豐邪靖心時祝。陝蜀教寧  
昊眷饒。辛酉孟春御題。鈐寶二。會心不遠德充符。

前幅楷書

御製喜雪詩

有註  
製詩同前  
御

辛酉正月十六日御製鈐寶二嘉慶

後幅臣工恭和

密灑祥翼翊節朝

喜酬

食盱與

衣宵

靈昭龍象敷新澤，伴等瓊瑤纂舊條。  
潤覩土膏剛舉趾，春銷金甲佇藏妖。

恩言渥賜周袍服，九市風傳笑語饒。  
臣董誥恭和鈐印二臣董誥 華月圓輝玉糝朝

積誠百日到元宵，金仙有意開曇鉢。  
紫陌無風動



柳條呼吸

上真揮舞鶴，盪摩荒徼淨信妖。

皇心默運羣黎福。

天意明昭萬寶饒。臣朱珪恭和鈴印二臣珪。

興慶初瞻

伏轉朝夜猶散稷，速來宵旬當既望。月方望春，  
不封條風是條箕。伯雲師真効職，根蠹葉騰。  
莫生妖告豐。

助順

成功速。高馬徐。王臯肯饒。臣彭元瑞恭和鈐印二  
臣元瑞恭和辦香

瞻禮肅春朝。皓月光華記昨宵。

迴輦同雲彌六合。霏霖廣陌遍三條。豐占繡隴無  
遺蠟。凱唱雕弧早射妖。與衛近承

天有喜。新年普荷

聖恩饒。臣戴衢亨恭和鈐印二。臣戴衢亨恭和

琳宮展禮卷簾朝瑞應元宵第二宵帶霧固宜先集

霏倚風恰喜不鳴條淮西雪後裝擒逆嶺表  
燈前狄靖妖遥指捷書來隴蜀籌邊寧數李  
文饒臣周興岱恭和鈐印二臣興岱敬書

快沐霏霽紀已朝纔過令節翌元宵春疇遍  
積迷新綠萬彙方滋發舊條

調玉願符占大熟擊池策勝盪殘妖荷鋤脫劍安  
耕鑿莫負

天家雨露饒臣趙秉冲恭和鈴印二臣趙秉冲敬

事 瓊宴

蹕路灑清朝賦瑞東皇慰

盱窳

仗簇華燈留火樹花先梯柳出金條隴間翠浪  
行看舞天外癡蕃磔不妖十萬甲兵新挾纊  
一時騰飽

渥恩饒臣黃鉞恭和奉

勅敬書鈐印二臣鉞

另幅

御筆楷書

宵分欣釀雪花纖暢發瓊蕤曉氣嚴候應嘉平  
紛舞絮瑞敷初地遍飛鹽迷漫素積經樓瓦層  
疊輝增佛閣簷虔荷

天恩祈廣被玉蓮朗曜華峯尖光翻粉翅起晨鴉  
農諺先春祝滿車

昊眷高深施六出。佛慈方廣散千花。潤含應遍神京  
邑。歡洽還連野老家。疊韻詞臣同志喜。莫辭呵  
凍手頻叉。雪中詣

雍和宮拈香。即景成吟。用蘇軾雪後書北臺壁二首  
韻。命諸臣和之。乙丑仲冬二十八日御題。鈐寶  
二。嘉慶

臣工恭和

六更飄霰尚微纖。破曉凝寒氣漸嚴。

佛閣早開雲母箔。

饌盤乍進水晶鹽。

拈來銅鼎三香辨。歡動農家萬瓦檐。應為嘉平  
書福近祥花先上。

御毫尖。

上林接翅散晨鴉。最喜聽輪早駐車。纔見句師  
翰白雉更逢天女散。瑤花題詞奚必誇蘇句。  
聯詠何曾擅謝家。應為

新恩輝繡襖添描紫鳳玉雙又  
臣永璇恭和  
莫  
敬餘三月已織雲沉雪密正宵嚴

帝欣尺澤揮珠玉

天愛羣黎裕米鹽協律坐看歌樂歲  
祁寒仰識

念窮簷

琳宮

駕轉還西望遮莫遙岑寸碧尖  
五鳳樓頭壓曙

鴉天街



警蹕靜帷車。昨朝淺墨

題梅樹。改歲深黃賦麥花。

默祝徧臨

羣祀地。

元音高出萬詩家。更循例事教培雪。

禁籟

園林護玉尺。臣永理恭和。五夜霏霏霰集纖。

凌晨一瞥巧莊嚴。宛如法雨施獅座。還向

仙階刻虎鹽世界三千成玉宇樓臺十二飾瓊  
檐寒窗多少推敲客伴揣疑思到筆尖續  
紛達曙起寒鴉萬里同雲隱日車祇樹園中  
現珠采優曇鉢裏散天花北臺成詠傳蘇子  
小閣爭長有謝家迎

輦已看多瑞色

上林尤喜玉為兒臣綿恩恭和  
浙瀝宵聞到  
地纖浮浮竟日氣深嚴不分陰嶺都森玉漫

藉薰風也澆鹽獅座香升臨

翠罕蟾輪光訝浸形檐遙知西北連畿輔隴麥  
高低盡覆尖 琳宮拂曙晃金鴉螺吹黃衣

過

帝車三九候剛催臘鼓二旬春先闕唐花

誠通

旭卉霏盈尺豐喜

明昭錫萬家下里幸叨賡

白雪蓋牙斂手愧難又 臣董誥恭和 曼陀簷菊  
剪工織一夜無風煦不嚴香界大千清淨飯  
珠盤十二水晶鹽經宵亘晝連分野見暉融  
冰滴雷檐默顙從心七日得

九皇空外轉杓尖 十月梅花噪白鴉小寒決日嶮  
瑤車應知歲省占三白早喜春前報六花  
子氣交金鼎室旰宵誠感

玉皇家祥徵盈尺魚鱗稔晴仰西南挂畢又 臣朱珪

恭和

輦路花飛六出纖  
琳扃玉宇望深嚴  
書占汜勝恒  
宜麥賦擬張融許道鹽  
滿挹清光瞻

黼座平添喜氣到茅檐  
空明一片連

瀛夜不辨雲中白塔尖  
影闌寒蟾噤晚鴉  
珠塵作陣捲隨車  
飄裾親學迴旋舞  
入座疑開  
頃刻花大地銀鋪  
千世界豐年玉貢萬人家

嘉平

錫福先書瑞佛力難齊算洛又臣戴衡亨恭和

如鈎寒月掩彎纖午夜龍公布令嚴作意拊  
雲篋玉屑頓教剪水結晶鹽知時盈尺堆

瑤砌鎮日成團舞翠簷最愜

宸襟欣茂對六花飛出

御毫尖

和鑿曉駕動宮鴉遠璐車延擲

帝車式禮

誠字瞻

紫紉

錫豐瑞應佈銀花臘前既渥徵三白春後先知熟萬

家符

念濃膏敷大地封章送喜路交叉 臣趙秉冲恭和  
微風不動碧蘿纖滕六清塵布陣嚴侍從  
玉聽成白鳳綺紛紺宇幻紅鹽巧裁瑞葉繁  
仙仗亂墜天花到畫檐入望瑤田盈一尺青蔥

時迸麥苗尖

大于掌復亂如鴉  
夾道鬚鬚

擁

帝車看取精華宜百穀  
方知錦繡艷空花  
佛慈應禱周輪廣

天意憐農有室家  
一幅幽風真粉本  
不須展挂玉了

又臣黃鉞恭和奉

勅放書鈴印二臣黃鉞

引首



御書綏豐符念鈴寶一嘉慶御筆

鑒藏寶璽

全五

寶笈三編

董邦達錢維城仿元明人山水

四冊

**本幅**紙本摺裝四冊每冊八幅皆縱一尺七分橫二尺九分

第一冊董邦達仿元人山水水墨畫一林外江帆二崖間松榭三雲巖結屋四石磴攜琴五虛閣臨流六遙峯過雨七澄潭漁集八古樹雲平款仿元人筆意臣董邦達敬寫鈐印二臣邦達

第二冊董邦達仿明人山水水墨畫下雲林  
策杖二松壑飛廊三野渡停舟四層巖倚屋  
五危崖觀瀑六曲徑聽泉七臨水茆亭八懸  
崖雪閣款仿明人法臣董邦達敬寫鈐印二  
臣邦達

第三冊錢維城仿元人山水水墨設色各幅  
相間一崇椒湧塔二古屋依巖三松隴晴烟  
四柳隄春漲五清流瀉壑六夕照銜峯七杉

屋觀泉八石梁懸瀑款仿元人山水 臣錢維  
城恭畫鈐印二臣錢維城敬事

第四冊錢維城仿明人山水水墨設色各幅  
相間一林屋溪橋二綠波青嶂三懸崖艤艇  
四深樾攢廬五渡口橋橫六樓閣涵七楓  
林樵徑八蘿洞漁舟款仿 山水 臣錢維  
城恭畫鈐 二臣錢維城筆沾春雨

冊內分全

高宗純皇帝寶璽乾隆御覽之寶四冊

鑒藏寶璽

五璽

寶笈三編

趙秉冲書司空圖二十四詩品黃鉞畫圖冊  
本幅紙本二十四對幅皆縱五寸一分橫二  
寸右幅楷書司空圖二十四詩品文前末款  
唐司空圖二十四詩品臣趙秉冲敬書鈐印  
二臣趙秉冲敬事左幅設色畫圖末款臣黃  
鉞恭畫鈐印二臣鉞

鑒藏寶璽

五璽

寶笈三編嘉慶御覽之寶

丁觀鵬等畫十二月

禁藥圖 十二軸

〔本幅〕紙本十二幅皆縱五尺五寸八分橫三尺三寸設色界畫畫一畫

禁藥正月景款 臣丁觀鵬恭繪鈐印二 臣丁觀鵬恭畫二 畫二月景款 臣周鯤恭寫鈐印二 周鯤恭畫三 畫三月景款 臣余省恭畫鈐印二 余省四畫四月景款 臣沈源恭繪鈐印二

臣沈源恭畫五畫五月景款 臣丁觀鵬恭畫  
鈐印二 臣觀鵬恭畫方畫六月景款 臣周鯤  
恭繪鈐印二 周鯤恭畫七畫七月景款 臣沈  
源恭繪鈐印二 臣沈源恭畫八畫八月景款  
臣丁觀鵬恭繪鈐印二 臣觀鵬恭畫九畫九  
月景款 臣余省恭繪鈐印二 余省十畫十月  
景款 臣周鯤恭畫鈐印二 周鯤恭畫十一畫  
十一月景款 臣沈源恭繪鈐印二 臣沈源恭



畫十二畫十二月景款 臣余省恭畫鈴印二

臣余省恭畫

高宗純皇帝御筆分題行書

青帝權衡物紐芽春臺溫盎樂義車仙萸七葉人  
為日寶勝三珠玉是花膏澤平鋪葱嶺雪祥光濃  
疊赤城霞試燈闌聞聞簫鼓暫許金吾不禁譁新  
春試筆之作 瓦駕暴厯晚烟籠仲月春光漸煖  
融柳散麴塵臨曲岸梅攜雪色試條風宮中漏永

香宮篆池北冰酥日借烘嗟我良農真少暇近將  
舉趾事南東二月朔日舊作 晝長人靜讀書樓

座有蘭芬古與謀佳景環中惟自會韶光戶外倩  
誰收營巢得意梁頭燕命侶忘機水上鷗出岫白  
雲歸亦得也無歡喜也無愁季春御園舊作 別  
院清和六轡停琴齋瀟灑靜因寧婪春花色丁星  
紫過雨山容縹緲青乳竇玉琮聲倍壯繡茵綠綺  
氣猶馨堦前雙栝解人意送與新陰翠滿庭初夏

遊玉泉山清音齋小憩作  
南塘夏五靜無涯不  
道宜煙雨亦宜花下人行紅散霧柳邊舟泊綠成  
惟婆羅彈梵鶴呼侶玳瑁宣慈燕乳兒消遣日長  
書在手朱明窗外影旋移仲夏南塘一律 月字  
蘭漪暑氣藏輕舟偶泛晚風涼不知今夕是何夕  
可愛天光接水光蟬有清音宜靜境荷無艷味祇  
真香鷗汀鷺渚縈迴處間出漁歌引興長月夜泛  
舟之作 秋意先秋人共知先穠知意果真誰一

番快意田家畫廿首生秋庭裏詩天向澹間無礙  
迴雲從閒處有餘姿倚吟更笑歐陽子端向聲中  
搆藻思秋意一律 菰蒲蕭瑟颭秋煙玉煉橋邊  
偶攸船俯數游鱗同沼澈仰觀迴雁朔風傳劇憐  
西昊清涼候勝讀南華十七篇物物義經真易簡  
天機豈待悟魚爲太液池泛舟舊作 性與秋光  
自覺語登高此日暢遊探荷衣已破無從補楓頰  
纔紅尚未酣恰好得詩教雁寫不須摘菊倩人簪

晚來靜坐寒窓下  
即景頻頻暢九三  
九日登高舊作  
文軒複閣小俄延  
啟轡新秋倏已旋  
兩月風光異爾許  
初冬景色又依然  
迎霜錦樹疏蕪密  
向晚黃花淡復鮮  
每自靜觀知道妙  
無停停處不遺  
題初冬圓明園作  
墨沼芸編几席清  
雲為棟宇玉為京  
陽迴線畧依然  
永影到花樞  
分外明瀑瀉  
冰光欺雪素梅知  
春意放寒英  
端居不為敲詩苦  
無限徘徊省歲情  
冬至後一日瀛臺涵元殿舊作

素積蒼枝凍未流  
迷離寒景入吟眸  
後凋獨自撐青益  
中禁羣看舞玉虬  
不必孫康曾映簡  
却教蘇武得披裘  
韶光已漏陽和近  
化作恩波滿御溝  
禁中雪松舊作

題籤

太簇始和一  
夾鍾嘉候二  
姑洗昌辰三  
中呂清和四  
蕤賓日永五  
林鍾盛夏六  
夷則清商七  
南呂金行八  
無射高旻九  
應鍾協律十  
黃

鍾暢片一十大呂星回二十

軸內分鈐

寶璽乾隆二重煙雲舒卷二重乾隆宸翰五重攜筆流雲藻  
二重乾隆御筆二重微言析纖毫搞藻為春會心不遠  
含經味道乾隆御覽之寶一重十

鑒藏寶璽

全五璽

寶笈三編